



THEOT The Song of Azariah (found in the Book of Daniel)

in British Library Endangered Archives Programme EAP 704/2/6

Ff. 134r – 136v

For the books of the Daniel cycle, the following people were involved in creating first, second, and third drafts of transcriptions: Hiwot Samuel, Ashlee Maslik, Jonah Sanford, Steve Delamarter, Qidist, Dejene, and Sarah Vulcan. Draft 4, Transkribus; Draft 5, Steve Delamarter; Draft 6: Demeke Berhane; Draft 7: Delamarter and Berhane; Draft 8, Ralph Lee

Nota Bene: the images may be viewed at the British Library Endangered Archives Programme website at <https://eap.bl.uk/archive-file/EAP704-2-6#?xywh=-1860%2C-1%2C7184%2C5202&cv=267>

- DanBDan 03:024 ወአንሶሳዉ ማእከለ እሳት። ወአእኩቱ እግዚአብሔር ወባረክዎ ለእግዚአብሔር
- DanBDan 03:025 ወቆመ አዛርያ ወጸለየ ከመዝ ወከሠተ አፉሁ በማእከለ እሳት
- DanBDan 03:026 ወይቤ ይትባረክ እግዚአብሔር አምላክ አበዊነ እኩት ወስቡሕ ስምክ ለዓለም
- DanBDan 03:027a እስመ ጻድቅ አንተ በኩሉ ዘአምጻእክ ላዕሌነ እመን ኩሉ ግብርክ
- DanBDan 03:027b ወርቱፅ ኩሉ ፍናዊክ። ወጽድቅ ኩሉ ኩነኔክ
- DanBDan 03:028a ወገበርክ ፍትሐ ወርትዐ በማእከለ ምድር። ወዲበ ሀገረ አበዊነ ኢየሩሳሌም ቅድስት
- DanBDan 03:028b እስመ በኩነኔ ጽድቅክ አምጻእክ ዘ+ ኩሎ በእንተ ኃጢአትነ
- DanBDan 03:029 እስመ አበስነ ወጌገይነ ዘኃደግናክ። ዐመጸነ በኩሉ
- DanBDan 03:030 ወኢሰማዕነ ትእዛዝክ። ኢዐቀብነ ወኢገበርነ በከመ አዘዝክነ። ከመ ይኩን ሠናየ ላዕሌነ
- DanBDan 03:031 ኩሎ ዘአምጻእክ ላዕሌነ ወኩሎ ዘገበርክ ዲቤነ በኩነኔ ጽድቅክ ገበርክ
- DanBDan 03:032 ወመጠውከነ ውስተ እደ ፀርነ ኃጥአን ወዐላዊያን። እለ ርሑቃን ወግጥሳን እምኔክ። ወንጉሥ ዓማፂ ወእኩይ እምኩሉ ምድር
- DanBDan 03:033 ወይእዜኒ አኮ መጠነ ኃፍረተ ወኃሣረ ዘኮነ ለአግብርቲክ ወለእለ ይፈርሁክ
- DanBDan 03:034 ወኢትመጥወነ ለግሙራ በእንተ ስምክ። ወኢትሚጥ ኪዳንነ
- DanBDan 03:035a ወኢታርሳቅ ምሕረተክ እምኔነ። በእንተ አብርሃም ፍቁርክ
- DanBDan 03:035b ወበእንተ ይስሐቅ ቀላዳክ። ወበእንተ እስራኤል ቅዱስክ
- DanBDan 03:036a እለ ተናገርኩሙ ወትቤሎሙ ከመ ታብዝኅ ዘርእሙ ከመ ኮከበ ሰማይ
- DanBDan 03:036b ወከመ ኅዳዳ ዘድንጋገ ባሕር
- DanBDan 03:037 እስመ ውጥዳን እሙንቱ እምኩሉ አሕዛብ። ወኮነ ኅሙራነ በኩሉ ምድር ዮም በእንተ ኃጢአትነ
- DanBDan 03:038a አልቦ በዝ መዋዕል መልእክ ኢነቢየ ወኢንጉሠ።
- DanBDan 03:038b ወኢመሥዋዕተ ወኢቅርባነ ወኢጎበ ያጸንሕሑ ዕጣነ
- DanBDan 03:038c ወኢብሔር ኅበ ይፈርዩ በቅድሚክ ይርከቡ ሣህልክ።
- DanBDan 03:039 ዘእንበለ ዳእሙ በነፍስ የዋህ ወበመንፈስ ትሑት ተወክፍ ለነ
- DanBDan 03:040a ከመ ዘመሥዋዕተ ሐራጊት ወአልህምት። ወከመ ዘአእላፍ አባግዕ ሥቡሓን

- DanBDan 03:040b ከማሁ ይኩን መሥዋዕትነ በቅድ[ሜ]ከ ዮም
- DanBDan 03:040c ወይትፌጸም በድኅሬከ እስመ ኢይትኃፈሩ እለ ተወክሉ ብከ
- DanBDan 03:041 ወይእዜኒ ንተልወከ በኩሉ ልብነ ወ[ን]ፈርሃክ። ወነኃሥሥ ገጸከ
- DanBDan 03:042 ወዳእሙ ኢታስ[]ኃፍረነ። ወግበር ምስ[]ነ በከመ ተመይጦትከ ወበከመ ብዝነ ምሕ[]ትከ
- DanBDan 03:043 አድኅነነ በስብ[]ቲክ። ወሀብ አኩቴተ ለስምከ እግዚአ
- DanBDan 03:044a ወ[]ትኃፈሩ ኩሉሙ እለ []ኃስሙ ለአግብርቲከ
- DanBDan 03:044b ወይኅሠሩ በኩሉ ት[]ልቶሙ ወይትቀጥቀ[] ኃይሎሙ
- DanBDan 03:045 ወያእምሩ []መ አንተ እግዚአብሔ[] አምላክ ባሕቲትክ። [ስ]ሕ በኩሉ ምድር ወበ[]ሉ ዓለም
- DanBDan 03:046a ወኢኃደጉ []ስተዋድዮቶሙ ወዓ[ሊ] ኅበ ንጉሥ
- DanBDan 03:046b ወውስተ እ[]ቱ ተይ ወፔሳ። ወስጳ[]ዮስ ወቀለሜጢዳ
- DanBDan 03:047 ወተ[]ዓለ ነበልባል እምእቶ[] አርብዓ ወታሥዕ በእ[]ት
- DanBDan 03:048 ወያንሶስው ወያው[] ዘረከቦ ኅበ እቶኖሙ []ፋርስ
- DanBDan 03:049a ወወረደ መልአከ እግዚአብሔር ምስለ እለ አዛርያ
- DanBDan 03:049b ውስተ እቶን ወዘበጦ ለነበልባል እሳት እም+ እቶን
- DanBDan 03:050a ወረሰዮ በማእከለ እቶን ከመ ነፋስ ቈሪር
- DanBDan 03:050b ወኢለከፎሙ ወኢበምንተኒ ወኢሰኃጦሙ ወኢአጽሃቆሙ
- DanBDan 03:051a ወሶቤሃ እሙንቱ ሠለስቲሆሙ ኅቡረ በአሐዱ አፍ
- DanBDan 03:051b ሰብሔ ወአእኩቱ። ወባረኩ ለእግዚአብሔር በውስተ እቶን። ወይቤሉ
- DanBDan 03:052a ይትባረክ እግዚአብሔር አምላክ አበዊነ። ስቡሕኒ ውእቱ ወልዑልኒ ውእቱ ለዓለም
- DanBDan 03:052b ወይትባረክ ስመ ስብሐቲሁ ቅዱስ። ስቡሕኒ ውእቱ ወልዑልኒ ውእቱ በኩሉ ዓለም
- DanBDan 03:053 ቡሩክ አንተ በጽርሐ ቅድሳተ ስብሐቲክ ስቡሕኒ {}(አንተ) ወእኩትኒ አንተ ለዓለም
- DanBDan 03:054a ቡሩክ አንተ ዘትሬኢ ቀለያተ ነቢረክ ላዕለ ኪሩቤል
- DanBDan 03:054b ስቡሕኒ{} (አንተ) ወልዑልኒ አንተ ለዓለም
- DanBDan 03:055 ቡሩክ አንተ በዲበ መንበረ መንግሥትክ። ስቡሕኒ አንተ ወቡሩክኒ አንተ ለዓለም
- DanBDan 03:056 ቡሩክ አንተ በመልዕልተ ሰማያት። ስቡሕኒ {}(አንተ) ወክቡርኒ አንተ ለዓለም
- DanBDan 03:057 ይባርክዎ ኩሉ ግብረ እግዚእ ለእግዚአብሔር። ስቡሕኒ ውእቱ ወልዑልኒ ውእቱ ለዓለም
- DanBDan 03:058 ይባርክዎ ሰማያት ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:059 ይባርክዎ መላእክተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:060 ይባርክዎ ኩሉ ማያት ዘመልዕልተ ሰማያት ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:061 ይባርክዎ ኩሉ ኃይለ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:062 ይባርክዎ ፀሐይ ወወርኅ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:063 ይባርክዎ ከዋክብተ ሰማይ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:064 ይባርክዎ ጠል ወዝናም ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:065 ይባርክዎ ኩሉ መንፈስ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:066 ይባርክዎ እሳት ወላህብ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:067 ይባርክዎ መዓልት ወሌሊት ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:068 ይባርክዎ ጠል ወአውል ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:069 ይባርክዎ ቍር ወአስሐትያ ለእግዚአብሔር። ስቡሕኒ ውእቱ ወልዑልኒ ውእቱ ለዓለም
- DanBDan 03:070 ይባርክዎ በርህ ወጽልመት ለእግዚአብሔር ስቡሕኒ ውእቱ ወልዑልኒ ውእቱ ለዓለም

- DanBDan 03:071 ይባርክዎ ደደክ ወመርቄ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:072 ይባርክዎ በረድ ወጊሜ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:073 ይባርክዎ መብረቅ ወደመና ለእግዚአብሔር ስቡ[ሕ]ኒ ውእቱ ወልዑልኒ ውእቱ ለዓለም
- DanBDan 03:074 ትባርኮ ምድር ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:075 ይባርክዎ አድባር ወአውግር ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:076 ይባርክዎ ኩሉ ዘይበ[ቀ]ል ውስተ ምድር ለእ[ግ]ዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:077 ይባርክዎ ቀ[]ያት ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:078 ይባር[]ዎ ባሕር ወአፍላግ ለ[እ]ግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:079 ይባርክዎ ዓ[]ር ወኩሉ ዘይትሐወ[] ውስተ ማይ ለእግዚ[]ብሔር ስቡሕኒ ው[]ቱ ወልዑልኒ ውእቱ ለዓለም
- DanBDan 03:080 ይባርክዎ አዕዋፈ ሰማይ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:081 ይባርክዎ ኩሉ አራዊት ወእንሰሳ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:082 ይባርክዎ ደቂቀ እንላ እሙ+ ሕያው ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:083 ይባርክዎ እስራኤል ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:084 ይባርክዎ ካህናተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:085 ይባርክዎ አግብርተ እግዚእ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:086 ይባርክዎ መንፈስ ወነፍስ ዳድቃን ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:087 ይባርክዎ ዳድቃን ወትሑታነ ልብ ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:088a ይባርክዎ አናንያ ወአዛርያ ወሚሳኤል ለእግዚአብሔር ስቡሕኒ ውእቱ ወልዑልኒ ውእቱ ለዓለም
- DanBDan 03:088b እስመ አድኃስነነ እም+ እደ ሲኦል ወእምት ባልሐነ
- DanBDan 03:088c ወእምእቶነ እሳት ዘይነድድ አንገፈነ ወአውፅአነ እማእከለ ነበልባል እሳት
- DanBDan 03:089 ግነዩ ለእግዚአብሔር እስመ ኄር። እስመ ለዓለም ምሕረቱ
- DanBDan 03:090a ባርክዎ ለእግዚአብሔር ኩልክሙ እለ ትፈርህዎ። ለአምላክ አማልክት ሰብሕዎ
- DanBDan 03:090b ወግነዩ ሎቱ እስመ ለኩሉ ዓለም ምሕረቱ